



LINDÅS KOMMUNE

# Alkoholpolitisk plan for Lindås kommune 2016 - 2020



**Rullert plan er vedteken av kommunestyret i møte 07.12.2017 – sak nr. 103/17.**

Planen omfattar:

Del 1 Retningslinjer for behandling  
av alkoholsaker

Del II Forskrift om sals-, skjenke- og opningstider

## Innhold

<b>Del I Retningslinjer for behandling av alkoholsaker</b>	2
<b>1 Om kommunen si plikt til å vurdere alkoholpolitikken</b>	2
<b>2 Generelle bestemmelser</b>	2
2.1 Delegering	2
2.2 Løyveperiode og løyvetypar	3
2.3 Gebyr	3
<b>3 Definisjonar</b>	3
<b>4 Skjenkeløyve i kommunen</b>	3
4.1 Generelle reglar - skjenkeløyve	3
4.2 Ambulerande skjenkeløyve	4
4.3 Løyve til uteservering	4
<b>5 Salsløyve i kommunen</b>	4
5.1 Salsløyve	4
5.2 Salsløyve for A/S Vinmonopolet i Lindås kommune	4
<b>6 Retningslinjer for å avgrense eventuelle skadelege verknader av alkoholskjenking</b>	4
<b>7 Behandling av søknader om sals- og skjenkeløyver i kommunen</b>	5
7.1 Krav /kontroll av søknad om sals-/skjenkeløyve	5
<b>8 Kunnskapsprøven om alkohollova</b>	6
<b>9 Kontroll med sals- og skjenkeløyve</b>	6
9.1 Generelle bestemmelser	6
9.2 Kontroll av salsstader	6
9.3 Kontroll av skjenkestader	6
<b>10 Reaksjonar ved brot på alkohollova</b>	7
<b>Del II Forskrift om sals-, skjenke- og opningstider i Lindås kommune</b>	8

# Del I Retningslinjer for behandling av alkoholsaker

## 1 Om kommunen si plikt til å vurdere alkoholpolitikken

Den kommunale alkoholpolitikken vert forvalta innan rammer som er gjeve i Lov av 2. juni 1989 nr 27: «Lov om omsetning av alkoholholdig drikk mv.» (alkohollova) og «Forskrift av 8. juni 2005 om omsetning av alkoholholdig drikk mv.» (alkoholforskrifta). For å sikre at alkoholpolitikken er politisk styrt, skal kommunen minimum ha ein alkoholpolitisk handlingsplan. Planen skal vere retningsgjevande både for administrasjonen ved førebuing av saker til politisk handsaming og ved avgjerd om sals- og skjenkeløyve, samt føre kontroll med og iverksetje sanksjonar mot sals- og skjenkestader ved eventuelle avvik. Gjennom denne planen skal kommunen leggje til rette for ein heilskapleg og samla alkoholpolitikk og føreseieleg sakshandsaming frå kommunen si side. Helse- og sosialpolitiske omsyn og næringspolitiske omsyn skal ivaretakast på best mogleg måte gjennom å finne den rette balansen mellom næringsutvikling, forbrukaromsyn, kriminalitets-førebygging og folkehelse.

I samsvar med formålet i alkohollova har kommunen ansvar for å sørge for at lokal alkoholpolitikk medverkar til at omsetning av alkohol skjer på forsvarleg vis og innanfor rammene i loven. Også formålet i folkehelselova viser kommunen sitt ansvar til å setje i verk tiltak i folkehelsearbeidet. Forskning viser at auka alkoholforbruk fører til større skadeverknader, både helsemessige og sosiale (vold, kriminalitet, ulukker). Kommunens løyvepolitikk kan vere ein styringsreiskap for å avgrense skadeverknadane.

Alkohollovas formål - §1-1:

*«Regulering av innførsel og omsetning av alkoholholdig drikk etter denne lov har som mål å begrense i størst mulig utstrekning de samfunnsmessige og individuelle skader som alkoholbruk kan innebære. Som et ledd i i dette sikter loven på å begrense forbruket av alkoholholdige drikkevarer.»*

Folkehelselovas formål - § 1:

*«Formålet med denne loven er å bidra til en samfunnsutvikling som fremmer folkehelse, herunder utjevner sosiale helseforskjeller. Folkehelsearbeidet skal fremme befolkningens helse, trivsel, gode sosiale og miljømessige forhold og bidra til å forebygge psykisk og somatisk sykdom, skade eller lidelse. Loven skal sikre at kommuner, fylkeskommuner og statlige helsemyndigheter setter i verk tiltak og samordner sin virksomhet i folkehelsearbeidet på en forsvarlig måte. Loven skal legge til rette for et langsiktig og systematisk folkehelsearbeid.»*

## 2 Generelle bestemmelser

### 2.1 Delegering

Jf politisk styringsstruktur og reglement for Lindås kommune, datert 15.12.2016 sak 96/16 er formannskapet delegert mynde i alkohol og skjenkesaker. Rådmannen er delegert mynde til å ta avgjerd etter særlover i saker av ikkje-prinsipiell karakter.

Delegert mynde til rådmannen til å ta avgjerd i saker av ikkje-prinsipiell karakter:

- Godkjenne skifte av styrar og stedfortreder ved eksisterande sals- og skjenkestader i løyveperioden ([alkohollova § 1-7c](#)).
- Godkjenne utviding av skjenkelokale for ein enkelt anledning ([alkohollova § 4-2](#)).
- Avgjere søknader om ambulerande løyve til slutta lag ([alkohollova § 4-5](#)).
- Avgjere søknader om alminneleg løyve til ein enkelt anledning og til ein avgrensa periode/sesong ([alkohollova § 1-6](#)).
- Vedtak om sanksjonar ved brot på alkohollova. Prikktildelingar er regulert i alkoholforskrifta. ([alkoholforskrifta § 10-2 til § 10-6](#))

## 2.2 Løyveperiode og løyvetypar

Lindås kommune skal nytte løyveperiode på fire år for sal og skjenking, med opphøyr seinast 30. september året etter at nytt kommunestyre tiltrer ([alkoholova § 1-6](#)).

Kommunen kan tildele to hovedtypar løyve – skjenkeløyve og salsløyve.

## 2.3 Gebyr

Gebyrtsatsen for skjenkeløyve til opne arrangement kan variere etter storleiken på arrangementet. Viser til [alkoholforskrifta § 6.2](#).

## 3 Definisjonar

- **Ambulerande løyve** - løyve til ein enkelt anledning kun for slutta lag/selskap .
- **Alminneleg løyve** - løyve må vera knytt til ein enkelt bestemt anledning og kan gjevast til eit ope arrangement eller til slutta lag. Løyvet kan også bli gitt for ein avgrensa periode/sesong.
- **Slutta lag** meiner ein at det før skjenkinga startar er danna ein slutta krets av personar, som er samla for eit bestemt formål i eit bestemt lokale, f.eks bryllup, konfirmasjon, jubileum osv. Selskapet er ikkje ope for utanforståande.
- **Sal:** Med sal forstår ein overdraging av alkoholhaldig drikk til forbrukar mot vederlag for drikking utanfor salsstaden.
- **Skjenking:** Med skjenking forstår ein sal av drikking på eit avgrensa og godkjent skjenkeområde.
- **Alkoholfri drikk:** Drikk som inneheld under 0.7 volumprosent alkohol.
- **Alkoholsvak drikk:** Drikk som inneheld frå og med 0.7 til og med 2.5 volumprosent alkohol.
- **Alkoholhaldig drikk gruppe 1:** Drikk som inneheld over 2.5 og høgst 4.7 volumprosent alkohol
- **Alkoholhaldig drikk gruppe 2:** Drikk som inneheld over 4.7 og mindre enn 22 volumprosent alkohol.
- **Alkoholhaldig drikk gruppe 3:** Drikk som inneheld frå og med 22 til og med 60 volumprosent alkohol.

## 4 Skjenkeløyve i kommunen

### 4.1 Generelle reglar - skjenkeløyve

Alkoholhaldig drikk gruppe 1, 2 og 3 vert tildelt skjenkestader med liten eller ingen matsservering, hotell, selskapslokale og spisestader. Løyve til andre konsept kan bli gitt etter ei særskild vurdering. ([alkoholova 1-7a og b](#)).

Skjenkeløyve for alkoholhaldig drikk kan bli gitt til person over 20 år – eller til ein juridisk enhet – som må påreknast ikkje å ville misbruke løyve ([alkoholova §1-7b og c](#)).

Alle stader med skjenkeløyve skal ved synleg plassert skilting opplyse om aldersgrensa ved staden.

Lindås kommune har ikkje sett avgrensingar i tal skjenkeløyve. ([alkoholova §1-7a](#) og [alkoholova § 4-5](#)).

## 4.2 Ambulerande skjenkeløyve

Ambulerande løyve er tenkt brukt ved bryllaup, jubileum og liknande arrangement og kan berre gjevast til slutta lag. Arrangement som vert haldne av lag og foreiningar er ikkje å rekna som slutta lag. ([alkoholova § 4-5](#)).

Skjenketider ambulerande løyve - gjeldande Forskrift om sals-, skjenke- og opningstider i Lindås kommune punkt 2 d.

## 4.3 Løyve til uteservering

- Løyve vert gitt til eit klart avgrensa areal som er avskjerma i høve til trafikk og med tillatt tal stolar. Ståplasser er ikkje tillatt.
- Av kontrollomsyn skal som hovudregel all servering skje ved borda. Unntak frå dette gjeld når det er etablert eit eige tappetårn ved uteserveringa og det er betjent.
- Det er ikkje tillatt med musikk eller underhaldning ved bruk av elektrisk anlegg/høgtalar på uteserveringa etter kl. 2200. Musikk eller underhaldning må uansett ikkje vere slik at det er til vesentleg sjenanse eller ulempe for dei som bur eller oppheld seg ved området der uteserveringa er. Ved søknad om utviding av skjenkeareal til ein enkelt anledning kan det også innvilgast bruk av musikk og underhaldning etter kl 22.00 ved større særskilde arrangement.
- Uteservering må ikkje kome i konflikt med brannrømningsvegane eller sperra for utrykningskjøretøy.
- Avgrensingar på offentleg grunn skal fjernast når dei ikkje er i bruk.

## 5 Salsløyve i kommunen

### 5.1 Salsløyve

Salsløyve for alkoholhaldig drikk gruppe 1 kan berre bli tildelt daglegvareforretningar og fetevareforretningar.

Med daglegvareforretningar meiner vi forretningar med følgjande daglegvarer:

”Som daglegevarer reknast matvarer og andre nærings- og nytingsmidlar, dyremat, vaske- og reingjeringsmidlar, toalettartiklar, hushaldingsvarar av papir, plast, rense- og reingjeringsmidlar, toalettartiklar, hushaldingsvarar av papir, plast, bone-, rense- og pussemidlar. Forretninga må har eit matvare-tilbod som er klart breiare enn dei tradisjonelle kioskar” ([alkoholforskrifta § 3-4](#)).

Salsløyve for alkoholhaldig drikk gruppe 1 kan ikkje bli gitt til bensinstasjonar og kioskar. I spesielle tilfelle kan det bli gjort unntak frå retningslinjene – dersom det er tenleg ut frå ei heilskapsvurdering.

### 5.2 Salsløyve for A/S Vinmonopolet i Lindås kommune

I medhald av [alkoholova § 3-3](#) godkjenner Lindås kommune utsalsstad for A/S Vinmonopolet – lokalisert til Knarvik.

## 6 Retningslinjer for å avgrense eventuelle skadelege verknader av alkoholskjenking ([alkoholova § 1-7a](#))

- a. Skjenkestadane bør **ikkje liggje nær**/ved skular, barnehagar og idrettsanlegg.
- b. Alminneleg skjenkeløyve kan ikkje bli gitt til serveringsstader som er:
  - Spesielt retta mot ungdom under 18 år og/eller familiar med mindreårige, under dette vanlege kafear.
  - Plassert i skule og undervisningsbygg.
  - Plassert i lokale som er tiltenkt idretts- eller mosjonsaktivitet eller spesielle førebyggjande tiltak for ungdom – samstundes som slik aktivitet foregår.
  - Skjenking i medhald av ambulerande eller allminneleg løyve kan ikkje skje i kombinerte anlegg for skule og andre formål når desse vert nytta til kulturelle og sosiale formål utanom skuletida. ([opplæringslova § 9-5](#)). Alkohol kan heller ikkje takast med for nyting i slike anlegg. Ved utleige til særskilte arrangement som er av ein slik storleik at dei ikkje kan arrangerast i andre utleigelokale i nærområda, er Nordhordlandshallen og Lindåshallen ikkje omfatta av dette punktet.
- c. Stader som spesielt tiltrekkjer seg støy, ordensmessige problem eller kriminalitet bør ikkje bli gitt skjenkeløyve.
- d. Stader som er for uoversiktleg innreia bør ikkje bli gitt skjenkeløyve, då det kan vera vanskeleg å føre tilstrekkeleg kontroll med skjenkinga.
- e. For at det skal kunne gjevast skjenkeløyve som kan brukast i opningstida i eit kjøpesenter/butikkssenter, må tiltaket vere i avlukka lokale.
- f. Båtar/skip kan bli tildelt skjenkeløyve for alkoholhaldig drikk med høgst 4.7 volumprosent alkohol eller all alkoholhaldig drikk med lågare alkoholinnhald enn 22 volumprosent.

## 7 Behandling av søknader om sals- og skjenkeløyver i kommunen

Søknader om nye sals- og skjenkeløyve og søknader om endringar i eksisterande løyve blir behandla innan fire månader frå alle nødvendige opplysningar og dokument er mottekne. ([alkoholloven § 1-11](#)).

### 7.1 Krav /kontroll av søknad om sals-/skjenkeløyve

Søknad om sals- og skjenkeløyver og søknader om endringar i eksisterande løyve skal – så langt det høver for vedkomande verksemd – innehalde følgjande opplysningar:

- **Navn og adresse** på vedkomande – som eig verksemda. **Firmaattest** skal vedleggjast søknaden. Attesten skal ikkje vere eldre enn 2 månader.
- **Type verksemd.**
- **Adresse på staden** – der verksemda skal drivast.
- **Navn og adresse på styrar og stedfortreder** – samt opplysningar om deira **tilknytning** til verksemda.
- **Eigenerklæring** der det går fram at søkjar har **tilgang til lokale** der verksemda skal drivast.
- **Teikningar** der sals- og skjenkeareal er skravert.
- **Beskriving av opplegg for drifta** som hindrar at lyd frå skjenkestaden blir til vesentleg sjenanse eller ulempe for bebuarar i området – og tilsvarande opplegg for orden på området rundt inngangspartiet.
- **Opplysningar som er nødvendige for å vurdere vandel** og det å vere eigna som løyvehavar, eigarar og dei som får slike inntekter eller har slik innflyting som går fram av alkohollova § 1-7b.

- Om søker har serveringsløyve. Som hovudregel må ein skjenkestad ha serveringsløyve for å utøve sitt skjenkeløyve.
- Kravet om internkontroll etter alkohollova skal vere oppfylt.
- Dokumentasjon frå **brannvesenet** på fastsetjing av maksimalt personal for lokalet.
- Dokumentasjon på at styrar og stadfortreder har bestått **kunnskapsprøven** etter Alkohollova § 1-7c, 3. ledd.
- Firmaattest.
- At det ligg føre **brukstillating** frå byggjemyndigheitene.
- Kopi av bruksløyve/ferdigattest vert lagt ved.
- At verksemda før oppstart har innhenta dei naudsynte løyve frå **Mattilsynet**
- At verksemda vil bli **registrert i meirverdiavgiftsmanntalet** så snart registreringsplikta inntreier.
- At **alle tilsette er registrert i arbeidstakarregisteret.**
- At alle tilsette har **lovlege arbeidskontraktar.**
- At det er **teikna yrkesskadeforsikring for alle tilsette.**

Før løyve til uteservering blir tatt i bruk skal representant for kommunen ha vore på befaringspåkjenning på staden.

Kommunen kan innhente opplysningar frå ulike instansar i løyvesaker. ([alkohollova § 1-7](#))

## 8 Kunnskapsprøven om alkohollova

Kommunen er ansvarleg for å gjennomføre kunnskapsprøvar for styrarar og avløyssarar i verksemdar som har eller søker om kommunalt sals- og skjenkeløyve, ([alkohollova § 1-7c](#)), samt for alkoholkontrollørar. Kommunen kan og halde slike kunnskapsprøver for kandidatar som ikkje er knytt til verksemdar med løyve ([alkoholforskrifta kapittel 5](#)).

## 9 Kontroll med sals- og skjenkeløyve

### 9.1 Generelle bestemmelser

Det skal først **kontroll med utsalsstader** som har kommunalt løyve til sal av alkoholhaldig drikk og med **skjenkestader** som har kommunalt løyve ([alkoholforskrifta kapittel 9](#)).

### 9.2 Kontroll av salsstader

Kontrollar av salsstadene skal som utgangspunkt bli gjort av **ein** kontrollør.

**Kontroll av salsstader skal m.a. omfatte:**

- Sal til openberr rusa personar.
- Aldersgrensa for kundar som kjøper alkoholhaldig drikk gruppe 1 og for betjening som sel slik alkoholhaldig drikk.
- Sal utover løyvet sitt omfang.
- Sal av omsetningsform.

### 9.3 Kontroll av skjenkestader

**Skjenkekontrollar** skal bli utført av **to** personar som saman kontrollerer skjenkestadene. Kontrollane vil skje på alle vekedagane – med **hovudvekt på fredagar og laurdagar.**

**Kontroll av skjenkestader skal m.a. omfatte:**

- Skjenking til openberr rusa person.
- Aldersgrensa for gjester og skjenkepersonale.
- Skjenketid/opningstid.

- Eventuelt forbod mot skjenking.
- Skjenking utover løyvet sitt omfang.
- Skjenkestaden si plikt til å føre alkoholsvak og alkoholfri drikk.
- Forholdet mellom talet på betjening, talet på gjestar og skjenkestaden sin karakter.
- Om skjenkestaden overheld alkoholreklameforbodet.
- Generell orden i lokalet.

## 10 Reaksjonar ved brot på alkohollova

Inndraging av sals- og skjenkeløyve er heimla i [alkohollova §1 -8](#).

Dersom det ved kontroll eller politirapport vert rapportert alvorlege brot på alkohollova, har kommunen høve til å inndra kommunalt sals- og skjenkeløyve for kortare eller lengre tidsrom.

Ved brot på alkohollova gjeld Forskrift om omsetning av alkoholhaldig drikk [kapittel 10](#). [Alkoholforskrifta § 10-1 til § 10-6](#) inneheld eit system for prikktildeling ved brot på løyvehavars alkoholrettslege pliktar. Denne ordninga er obligatorisk, og kommunen er pliktig til å følgja krava i alkoholforskrifta.



## **Del II Forskrift om sals-, skjenke- og opningstider i Lindås kommune**

Vedteken av kommunestyret i møte 18.mars-04 i sak 21/04 – med endring i møte 19.05.05 – sak nr. 40/05, endring i møte 16.06.05 – sak nr. 56/05 og endring i møte 18.05.06 – sak nr. 36/06.

Fastsett med heimel i lov av 2.juni 1989 nr. 27 om omsetning av alkoholhaldig drikk mv. § 3-7 og § 4-4 og lov av 13.juni 1997 nr. 55 om serveringsvirksomhet § 15.

### **1. Sal og utlevering av alkoholhaldig drikk**

- a. Sal og utlevering av alkoholhaldig drikk gruppe 1 er frå kl. 0900 til kl. 2000 på kvardagar.
- b. Sal og utlevering av alkoholhaldig drikk gruppe 1 kan skje frå kl. 0900 til kl. 1800 før søn- og helligdagar. Dette gjeld ikkje dagen før Kristi Himmelfartsdag. Påske-, pinse-, jule- og nyttårsaften er salstida til kl. 1500.
- c. Løyvehavar er ansvarleg for at drikk med alkoholinnhald gruppe 1 er tildekka/ikkje lenger er tilgjengeleg i butikken ved salstidas slutt. Betaling kan imidlertid skje etter dette tidspunkt dersom kunden har forsynt seg med drikken før salstidas slutt.
- d. Sal og utlevering av drikk av alkoholhaldig drikk gruppe 1 skal ikkje skje på søn- og helligdagar, 1. og 17. mai, eller på stemmedagen for stortingsval, fylkestingsval, kommunestyreval og folkeavstemming vedteke med lov.

### **2. Alminnelege skjenkebestemmelser**

- a. Skjenketida for gruppe 1 og 2 er alle dagar frå kl. 0800 til kl. 0200 – med følgjande unntak:
  - Søn- og helligdagar startar skjenking frå kl. 1200.
- b. Skjenketida for gruppe 3 er frå kl. 1300 til kl. 0200 alle dagar.
- c. For stader som har løyve til uteservering, er skjenketida for all alkoholhaldig drikk:
  - Gruppe 1 og 2 til kl. 0200 alle dagar.
  - Gruppe3 gjeld frå kl. 1300 til kl 0200.
- d. For stader som har skjenkeløyve til slutta selskap, er skjenketida for all alkoholhaldig drikk gruppe 1 og 2 frå kl. 0900 til maks. kl. 0200. For alkoholhaldig drikk gruppe 3 er skjenketida frå kl. 1300 til kl. 0200.

### **3. Opningstider**

Opningstid er ein halv time lengre enn skjenketida – dersom ikkje anna er bestemt.

### **4. Konsum av utskjenka alkohol**

Konsum av utskjenka alkohol skal opphøyre seinast ein halv time etter skjenketida.